

INUIT ATAQATIGIIT

INATSISARTUNI



25. august 2014

UKA 2014/118

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput:

Inuusuttut suliffissaaleqinerat qanoq iliuuseqarfigineqarnera qanorlu akiorniarneqarnera pillugu apeqquteqaat aallaavigalugu oqallisissiaq.

(Inuit Ataqtigii Inatsisartunut ilaasortaataata)

Tungavilersuut:

Inuiaqtigiinni suliffissaaleqineq ilaqutariippassuarnut ukiuni matumanerpiq erloqisitseqisoq annertuvoq, minnerunngitsumik inuusuttorpasuit eqqugaasimanerannik kinguneqarluni. Ajornartorsiut milliartortutut misinnanngilaq inuusuttullu suliffissaaleqinerat immikkut iliuuseqarfigisariaqarnera saneeqqukkuminaalluinnarpoq naalakkersuinikkullu suliaqartut tamarmik inuusuttut suliffissaaleqisinnerannut akiuniarnermi peqataanissamut pisisaaffeqarput.

Inuit Ataqtigii inuusuttortaasa sineriammi oqallitsitsisarnerini maluginiagassaavoq inuusuttut suliffissaaleqinerminni siunnersorneqarnissaat, ilinniarnernermik sulinermillu aallartinnissaannut pisortat ikorfartuullutillu malinnaasarnissaat pisariaqartutut isigineqarmat. Inuusuttut kommuunip allaffianut suliffissarsiortutut naqitsikkiartuinnartarnertik naam-maginngilaat. Taassuma saniatigut katsorsaavinnik inuusuttunut tulluussakkanik ujartuisoqarpoq. Inuusuttut amerlasoorpassuit ilinniarnerminnik sulinerminnillu taamaatitseqqasut inuunermik alloriarfiusinnaasumik ujaasipput. Inuit Ataqtigii inuusuttortaata ilisimatitsipput kommuunip aningaasaatai apeqqutaallutik katsorsartinniarlutik inuusuttut arlalippasuit akuerisaanngitsoortartut, tamannalu periuseq allanngortinneqarnissaa ujartorneqarpoq.

Inuusuttut Ataqtigii naammaginngilaat Piareersarfiit kisiisa annertusarneqarnissaanik isumaqarluni politikkeqarneq, tamanna ikkattumik aaqqiinarnertut oqaatigineqarluni. Siunissami Piareersarfiit atorunnaariartornissaat inuusuttunit arlalinnit saqqummiunneqartarpoq. Inuusuttortatta arlaleriarlutik tusagassiutitigut siunnersuutigisarpaat Inatsisartut imaluunniit Naalakkersuisut kommuunit peqatigalugit inuusuttut suliffissaaleqinerat pillugu nalunaarusiortariaqalersut inuusuttullu suliffissaaleqinerat akiorniarlugu iliuusissanik tigusaasunik maannakkut tikkuussisariaqartut.

Inuit Ataqtigii Inatsisartunut ilaasortaataata inuusuttortatta siunissartik pillugu ernum-mateqarmata paasisinnaalluarpagut aammalu immikkut iliuuseqaqqusinerannut isumaqataalluta, soorlu siuliini oqaatigineqareersutuut.

Isumaqarpugut soqutigintartuussasoq tusassallugu partiit ataasiakkaat aammalumi Naalakkersuisut inuusuttut suliffissaaleqinerat qanoq iliuuseqarfigineqarnera qanorlu akiorniarneqarnera pillugu isumaqanersut?

Isumaqtigiinnginnerup annerttunerup pilersinnissaa siunertaanngilaq. Siunertaavoq Nunatsinni, minnerunngitsumik inuusuttortavut eqqarsaatigalugit – kikkut tamarmik pitsaasumik siunertaqarlutik politikikkut neriuutiminnik, isummersuutiminnik ernummatiminnillu saqqummiinissaat.

Tamassi torersumik pilersitsifiulluurtumillu oqalliseqataanissassinnik kissaappassi.